

[0562]

79. *binge*

binge is in nijsgjirrich wurd, dat neffens Waling Dykstra 1) 'húske'; 2) 'jarresleat'; 3) 'rommel' bitsjutte kin. Yn itselde nêst binne útbret: âldnoarsk, niijiislânsk *binge* 'Haufen, abgeteilter Raum', nijdeensk *bing* 'große Kiste, Kasten, Kornkiste', nijswedsk (dial.) *bing* 'Korn- oder Mehlkiste', nijnoarsk *binge* 'Düngerraum.', nijswedsk (dial.) *binge* 'koarn-, strie-, heabult', forlykje fierders mhd. *binge* (nhd. *Binge*) 'kesselartige Vertiefung', switsersk *bing* 'Jauchekasten, Mistwagen' (*Wb. der schweizerdeutschen Sprache*, IV, Frauenfeld 1901, spj. 1376). Dat it wurd yn bisibbe Germaenske talen, lyk as yn it Frysk, hwat mei 'dong' to meitsjen ha kin, is to sjen oan nijnoarsk *binge* 'donghok' en switsersk *bing* 'jarrebak, dongwein'.

De hiele wurdkloft heart ûnder ydg. **bhengh-* 'dick, dicht, feist' (J. Pokorny, *Idg. etym. Wb.* 128). Hwat de literatuer oer *binge* oanbilanget, forwiis ik hjir binammen nei A. Jóhannesson, *Isländisches etymologisches Wörterbuch*, Bern 1956, s. 610.